

Plenchi

Bèl a bati

Bèlèm bèlèm subi nos plenchi pa nos kompartí ku otro. Prome resultadonan di eksamen a drenta i tambe di EFO.

Un pabien na tur hoben ku a logra nan meta. Bon meresi. Eksito na tur ku tin ku pasa her ainda. Esta un tenshon tabatin riba diferente plenchi, sperando e resultado. Maske a yama esnan ku no a logra loke nan a proyektá, tòg tur ta keda den suspenso te ora nan tende e nòmber di e hóben zona riba plenchi. Despues un alegria inmenso. Un logro grandi i importante pa sigui konstrui riba dje.

Nos prome bista riba e resultadonan di nos skolnan ta muestra ku e porsentahe di esnan ku a slag ta parse poko abou kompará ku aña pasa. Pero nos ta warda her pa nos por haña un bista kompleto di e situashon. Despues ta bai kuminsá ku análisis di e tur resultado pa asina por adaptá rumbo i pone kompas pa nos nabegá.

Un danki na tur ku a kontribuí di un of otro manera na logro di nos hóbenan.

Not'é riba bòrchi

Resultado di EFO pa Korsou

<u>Skol</u>	<u>Porsentahe</u>
Havo	21%
VSBO	63.7%
VSBO/AGO	8.77%
Keda FO	6.53%
Total	100%

Den agènda

- Último dia di skol pa studiante i alumnonan ta 3 yuli 2015 (pendiente pa eventual cambio ofisial dor di minister)
- Startconferentie pa tur personal di RK dia 3 di ougustus 2015
- Promé dia di skol pa studiante i alumnonan 6 di ougustus 2015

Riba roster

MIL a presentá nan obranan di arte ku nan a traha. Trofeo trahá pa duna baluartenan kultural den nos komunidad. Riba e potretnan por mira sra. Diana Lebacs, sr. Boy Dap i sra. Elia Isenia pará banda di nan trofeo. E trofeo mester simbolisá e artista su identidat i logronan. Un proyekto masha bunita mes. Pabien na MIL ku e trabou pero especialmente ku nan apresio muestra na diferente di nos baluartenan kultural.





Riba rapòrt

Un bista di anunsio di resultado di èksamen na skolnan.





Graduadonan di st. Margaretha College



St. Jozef VSBO ta anunsiá resultado di eksamen.



Graduadonan di st. Rosa de Lima College

Un preñchi

Un preñchi pa Skol Alablanka

Sambil a tene un kompetensia di pintura pa muchanan di skolnan pinta nan soño pa aki 5 aña. E pinturanan a bai riba e facebook pagina di Sambil. Tur hende por a vota pa soño di nos muchanan i hobennan.

Skol Alablanka a partisipá ku diferente pintura. Un di nos alumnonan a gana e di sinku puesto. Su soño:

Mi deseo pa aki 5 aña.

Mi ke mira tur kayanan di Kòrsou nèchi sin buraku.

I pa tur nos barionan tin kasnan bon trahá, ku nan kurá bunita.

Ku un veld bon mantené kaminda nos hóbennan por praktiká diferente deporte i distraí nan mes.

Pasombra mi ta kere ku si nos kuminsá na nos barionan, nos hóbennan no ta bai kana paloko riba kaya mas.

Asina ei nan no ta pensa pa hasi kos malu.

I nos Kòrsou por bai mas dilanti.

Roenchelo Calvenhoven (13 aña)
Skol Alablanka

Esaki ta e di dos bes den e temporada aki ku Roenchelo ta kompetí den kompetensia di pintamentu i ta gana premio. Skol Alablanka ta orguyoso di Roenchelo ku su talento pa pinta.



Mucha djispou

Otty ku Tuyo ta sintá ta kombersá den balkon di Otty su kas, manera ta kustumber tur djasabra. Otty ta konta Tuyo kuantu problema e tin ku un trahadó di dje. Despues ku el a tuma su tempu konta Tuyo henter e akontesimentu el a puntré:

“Kiko lo bo a hasi si bo tabata den mi sapatu?”

Despues di pensa un bon ratu Tuyo a kontestá:”Ami lo a kuminsá na limpia e sapatu limpi limpi.”